

傷神四十年来識主人賴有樂章傳樂府落
落驪珠照今古晁無咎謂世言耆卿曲俗非
俗也如八聲甘州云霜風淒緊關河冷落殘
照當樓此語於詩句不減唐人高處劉子翬
嘗有歌云屯田詞考功詩屯田指三變考功指翁挺白水
之白鍾此奇鉤章棘句凌萬象逸興高情俱
一時求又嘗著勸學文有云學則庶人之子
為公卿不學則公卿之子為庶人今有樂章
行于世兄三復官至比部員外郎三接官至
都官員外郎皆工於文藝彌柳氏三絕子說

官至著作郎

詹範字器之崇安人嘉祐八年進士知惠州日
蘇軾謫居與範賡唱範嘗議塋暴骨故軾和
詩有江中白骨已銜恩之句

翁邁字仲和崇安人幼聰敏博記能文年十三
為郡舉首邑宰歐陽竦以聯句試之云筍出
鑽鑽天邁應聲曰輩生釘釘地人以為奇對
郡守元公暕以其幼不甚禮焉且扣之曰小
解元所讀何書邁荅曰無書不讀日下所講
者詩之相鼠耳守雖知其譏已猶疑其未能

文也逮宴鹿鳴復命小妓就之覓詩即戲題
云年未十三四嬌羞懶舉頭爾心還似我全
未識風流守六稱賞

江滋字益之一字德脩崇安人家貧嗜學尤長
於詩元祐三年進士知衡州耒陽縣時舍法
行滋始至視學宇頽弊即鼎新之作諭學詩
七十韻備述朝廷勉勵士子之意監司上其
事特遷一官繼知穎昌府長社縣時蘇轍退
居穎上杜門謝賓客惟滋得其容接相與唱
酬有穎川集官至朝議大夫

彭彛字武山初名夷崇安人侍郎劉夔薦于朝
謂其士檢清脩才章典贍既而被召赴闕試
于紫薇閣誥詞褒美云朕惟衆科不足以盡
天下之士故因赦令而委天下以特招爾以
守節見稱而議論亦嘗試矣賜之一命使力
行者有所勸焉人因稱之爲彭特招授將仕
郎試秘書省校書郎終大理寺丞有詩百餘
篇李鞠爲之序畧曰公有高世過人之行其
詩優柔平易無怨誹憤怒無聊不平之語信
乎爲治世之音

暨陶字粹翁崇安人長於聲律以飛龍位天德
及聖人作而萬物覩賦知名登元豐五年進
士初定陶爲第一臚唱者乃以洎音呼其姓
迄不應乃以次名遞陞唱第神宗顧考官蘇
頌頌奏當以入聲呼之陶果出上曰卿何以
知爲入聲頌曰三國吳時有暨醯陶必其齊
也及問陶鄉貫云建州上喜曰果吳人也官
至承議郎子唐裔登進士第官至中奉大夫
彭路字通吉崇安人少明敏爲文清新嘗夢神
人示以路謨二字曰此公之名後路應舉治
平三年以路名熙寧八年以謨名元豐四年
及七年俱以路謨名四舉獲優薦崇寧三年
以特奏廷對爲第一聖語褒諭路謝恩詩曰
聖主求賢不憚勞大廷清曉萃時髦一時雷
震天衢近萬點星環帝座高依約舜琴和玉
佩分明堯日晃藍袍自慙草芥叨榮遇富贍
親蒙聖語褒上命翰林學士和之孫奭登進
士第

劉韞字仲固崇安人韜之弟也以門蔭補宦歷
倅三州典二郡皆有政聲後以朝散大夫致

仕築室于縣南有亭臺花木之勝日夕諷誦
自彌秀野與劉子翬朱熹諸賢相唱酬嘗以
杜少陵喜無多屋宇幸不礙雲山之句分韻
賦詩人尤傳誦子子翔亦能詩有父風爲潭
州瀏陽丞

翁挺字士特崇安人彥約子少能詩及長該極
群書落筆數千言以季父彥國郊恩補官調
宜章尉廷臣交薦召赴闕下所陳皆朝廷急
務淵聖喜曰何見卿之晚即日改秩授少府
監丞時相怒其不附已逐之遂不復出自彌

五華居士有文集二十卷李綱稱其文雄渾
雅健淵源浩博其詩凌厲奮發絕去筆墨畦
徑間

宋翔字子飛崇安人幼穎悟七歲劉子翬命賦
燈詩曰耿耿照幽房熒熒鶴焰長昔年江上
女曾到乞餘光子翬奇之紹興十二年登進
士調連州教授遷通判湖州秩滿除國子監
簿時韋太后歸慈寧宮祥瑞交至翔撰紹興
樂府十二首以獻其一曰天意回皇母歸鳴
和鸞啟宮闈朝陽赫奕明鞠衣惟皇之孝惟

母之慈奉和顏稱壽卮從之家后與庶妃奏
之九韶與咸池杏珍瑞駢福棋山陬水裔俱
熙熙惟天之相與帝之宜千萬年無窮期尋
差湖南叅議官既而以朝散大夫致仕自號
梅谷居士有梅谷文集與同縣劉式翁石氏
號三俊

劉如愚字明遠崇安人紹興十二年與從子珙
同登進士子翬寄詩有云射策遙聞駐六飛
天顏咫尺引儒衣吾家已有臚傳喜叔姪連
名賜第歸調秀州海鹽尉獲海賊改秩知福

州古田縣秩滿倅德慶權新州尋除行在審
計院繼就江西帥司叅議卒于任官至朝散
郎如愚耽書至老不倦喜吟咏居鄉日每與
朱熹唱酬熹嘗於鄉邑創社倉如愚與謀焉
哀長吉字叔巽一字壽之崇安人寬厚長者耻
言人過以詩書起家登嘉定十三年進士歷
邵武縣主簿靜江軍掌書記秩滿致仕歸號
委順翁徜徉林泉託興吟詠雖老手不擇卷
後學多師之年八十九卒有鷄肋集
彭巖肖號龜峯崇安人領甲子鄉薦性不嗜酒

為詩文指肝剝腎不輕綴一字嗜學至老不
倦年八旬舉武如趨或問其筋力何以健答
曰寡欲縣尹楊甫嘗於邑治之後園植清獻
所樹梅巖肖賦云清獻堂前樹無稍可著春
豈知三百載復有種花人巖肖詩皆有一唱
三嘆之遺音惜散逸不多見

劉濟字應徐崇安人有詩名嘗題趙必漣梅花
莊云莊後莊前千萬枝元方題扁季方詩何
當把酒對花樹坐對參橫月落時有日行辯
明德辯行于世

劉褒字伯寵崇安人十歲能屬文登淳熙五年
進士居官有聲稱累遷司印郎中才高見忌
不獲久仕于朝歸抵小槩題一絕云去日春
蠶吐雪絲歸來霜橘剥金衣沙鷗不入鷓鴣
侶依舊滄浪繞釣磯又賦歸隱云泉石膏肓
鍼不得半巖明月夜猿啼又詠雪云難向蒼
茫辯城郭稍因高下識樓臺皆佳句也自號
海山老人有海山集官至朝請郎知西全州

劉

章子仕為從事郎自號

倡和有詩集十卷

卜疏林剔藪弓身種竹造亭立館居焉其最
 宏敞者扁曰方是間堂日與佳客徜徉其中
 飲酒賦詩為樂若將終身為為文高爽閒雅
 得其家傳劉淮稱其詩摩香山之墨詞拍稼
 軒之肩至若松江峭遍直欲與坡仙爭衡人
 以為知言自號種春子又號方丈間居士有
 方是間居士小葉行世

黃銖字子厚崇安人自號毅城翁讀書能文兄

十即南山之

